

愚

齋

存

稟

愚齋存彙卷第五十三目錄

電報三十

袁慰帥來電

又

寄 行在軍機處

寄袁慰帥

寄江鄂督帥山東撫帥

寄 行在軍機處

劉峴帥來電

寄俄京楊大臣

東京李大臣來電

行在軍機處來電

李中堂來電

袁慰帥來電

又

寄李中堂

又

又

寄 行在軍機處

岑中丞來電

張香帥來電

劉峴帥來電

袁慰帥來電

寄 行在軍機處

張香帥來電

袁慰帥來電

又

寄 行在軍機處

又

又

寄江鄂粵督帥皖東陝撫帥

寄李中堂

又

又

寄行在軍機處

寄皖撫王灼帥

寄西安王中堂

寄江鄂督帥山東撫帥

寄西安榮中堂

寄行在軍機處江鄂督帥山東撫帥

寄北京李中堂西安軍機處東撫袁慰帥

寄北京全權大臣西安軍機處江鄂川粵督帥皖東撫帥

劉峴帥來電

張香帥來電

寄 行在軍機處

皖撫王灼帥來電

劉峴帥來電

袁慰帥來電

又

寄英京羅大臣

劉峴帥來電

張香帥來電

袁慰帥來電

寄江鄂督帥皖東撫帥

袁慰帥來電

寄 行在軍機處

寄江鄂督帥皖東撫帥

寄英京羅大臣

寄 行在軍機處

寄 行在榮中堂

劉峴帥來電

皖撫王灼帥來電

寄榮中堂

寄東京李大臣

劉峴帥來電

張香帥來電

寄北京全權大臣江鄂督帥皖東撫帥

寄 行在軍機處江鄂督帥山東撫帥

袁慰帥來電

張香帥致柏林呂使電

張香帥致倫敦羅使電

張香帥致日本李使電

倫敦羅大臣來電

東京李大臣來電

劉峴帥來電

又

張香帥來電

寄 行在榮中堂

寄東京李大臣

寄江鄂督帥皖東撫帥

寄江鄂督帥

寄 行在軍機處

愚齋存彙卷第五十三

電報三十

袁慰帥來電

光緒二十七年二月初三日並致峴帥香帥

迭次電奏既詳且盡而俄人恫喝楊使鼓簧幾不能奪殊不可解各國迭經明言我有國書懇緩安有遽行畫押之理滬各總領事所論極是必應待其復電榮相處已迭有函電均無復當再切電公保之奏請兩帥酌擬三全權或不耐煩或不經嚇徒呼奈何

又二月初三日並致峴帥香帥

致榮相電如下迭電想均達聞京約停議待俄約
定羣起效尤四國迭經勸阻允俄則四國怒必要
均沾主權全失便成印度拒俄則四國喜必有公
論俄雖暫據終須交還俄已催增帥交收陵瀋其
心本不欲據三省地大俄斷無許多通華事者治
其民其力亦不能據俄曾布告各國不佔土地其
理更不可據日本佔金旅俄聯各國以索回今俄
佔三省日英必不肯讓其勢尤不得據反復籌計
斷俄以必須交還而故作恫喝迫我畫押冀可箝
制各國我如堅拒俄技自窮縱使決裂我失不過

三省而完善尙多各國旣曾勸阻必不至相率效
尤倘竟押允各國執詞分割我將無可拒答縱或
不至效尤而長城之鐵路需兵密邇都城斷難久
安熟籌利害斷不可允惟限期已迫楊使忠厚請
中堂竭力主持毋任搖惑 宗社幸甚

寄

行在軍機處

二月初三日

袁撫江電俄約限迫商緩亦恐不及擬牽合公約以圖
補救宜請 旨飭邸相宣告在京各使謂此次聯軍大
義專爲戡亂救使俄在三省與各國同時用兵亦同係
戡亂雖係隔省大義無二現公約未定俄擬另立條約

勒限畫押本國恐與公約有礙或至牽動全局殊乖各國公誼因錄送另約草請各國查核是否有礙公約從速見復並告俄使謂俄與聯軍同事戡亂現既開議公約俄之另約自與常例專約不同倘礙公約關係全球大局不得不商明各國以全公約各國未覆之前勢難畫押等語照此回明牽合各國自不至互諉俄人亦不敢遽逞無聊之見請三公裁酌倘有同意請卽速轉樞廷云乞鈞裁

寄袁慰帥 二月初三日

江電極佩已轉樞頃有德人密告英德密約滿洲在外

寄江鄂督帥山東撫帥 二月初三日

頃奉樞江電云來電所稱俄約不畫而強佔各國可退還順直他處亦無平空強取之理等語是否各領事有此語抑係揣度之詞有無把握望電復云此是一定把握各領事均如此說但宣一人之言不足重擬請峴帥香帥速詢甯漢領事各自電樞以免再疑慰帥如能助力更妙

寄 行在軍機處 二月初三日

頃有德人密告德爲膠州事與俄合此次德英密約說明滿洲事不在內但俄亦不願與英日反目似尙可允

將主權稍讓云可否速電傳相命卽徑電俄廷勸將國書所請須杜他人效尤者酌量商改以解此圍乞鈞裁

劉峴帥來電

二月初三日

致榮相電切實沈痛敝處見東電

旨深慮內閒

鬆勁一經畫押不可復救今晨已單銜電奏力請堅拒到底並飭全權萬勿畫押利害輕重顯然易見深盼英美日早爲設法以解此圍事機急迫焦灼萬分

寄俄京楊大臣

二月初三日峴帥香帥會電

俄約各國譁然立待效尤中國士大夫已多病公行

在亦無成見如此約果定各國另生枝節中外集矢竊
爲公危請統籌全局格外慎重

東京李大臣來電

二月初三日兼致
處江鄂兩帥

行在軍機

聞英因天津鐵路日因韓事皆與俄有違言召集
艦隊以觀動靜日廷昨並召各帶團統帥入宮密
議逾晷俄艦亦集仁川消息甚緊俄以津路韓事
挑釁英日俱無暇干預東約逼我畫押此俄策巧
妙之處我若拒俄則俄或與英日開釁亦未可知
卽不然而舉兵向俄英日艦隊麇集俄亦受制不
能暢所欲爲我允俄則津韓兩事俄必退讓而英

日移兵向我我實受其害矣俄逼畫押各國不肯助我詰俄各國舉兵俄又豈能助我阻各國拒俄開釁未必一戰致亡允俄召釁大局必致瓦解伏願熟權利害聯奏上達早決大疑天下幸甚

行在軍機處來電 二月初三日

寄英德日美各駐使電 旨當閱悉來電所稱俄約不畫而強佔各國可退還順直他處亦無平空強取之理等語是否各領事有此語抑係揣度之詞有無把握望速電復

李中堂來電 二月初四日

俄外部電文尙不收閱何論國書刪改南皮倡言效尤各款若與英日通謀執事揚其波而逐其流都喜爲隔壁談奉勸少安勿躁靜觀世變而已秘之勿洩

袁慰帥來電

二月初四日並致峴帥香帥

當局已用鄂策聽滬言當有轉機但仍多疑慮必須得各國回信始可堅定各總領應先有消息切盼日本較近請杏兄酌催小田

又二月初四日並致峴帥

鄂支奏又著鬆筆且與首策稍歧令人莫測但恐

內意愈亂現距限僅兩日再有良策恐已不及惟
有堅持定見以待各國消息

寄李中堂

二月初四日

頃與伯行密談外部雖拒不見然東亥所發國書外部
似不得不代遞內中所求數事似不難允惟長城鐵路
彼所注意前 旨只要改輕意在改作商路仿照英國
營口新民廳路辦法而國書請刪或可暗許緩商如董
福祥事吳有密本只可請師迅速加電此事仍非師力
孰能解圍

又

二月初四日

豪電謹悉大願俄約畫而北京公約一無閒言今日託
來覺福切電外部並格使實因 旨意責成我師而師
若不於吳王格使盡力設法萬一畫押後另有波折師
亦無以塞責宣於師決不退有後言而有所見必直陳
無隱此所以答師恩也

又二月初四日

鈞電格無可與言楊電外部不見實情難達頃晤俄領
事來覺福告以各國不容我立滿洲專約勢將決裂貴
國以佔地歸還又北京先退兵所索權利誼無不允但
聯軍未退公約未定勢難違眾先簽歷來與俄利益皆

出於人不覺此次強索實非機會來答洋報頗言俄日將啟衅甚不好何以中堂與格不面商告以接師電格不能商大約多說官話現只有兩法一則請俟聯軍退後再議一則照國書刪改並出初一國書詳告又將冬電稟密告來詢中堂意是否相同答以中堂因格難盡言詢有何法想我只得託閣下電外部並電格使來云我想緩議爲是但俟聯軍退後能否照畫答以總可和衷商訂以他人不能效尤爲主國書商改滿洲兵數旣禁軍火鐵路外又留俄兵滿兵何用全境旣允路礦利益何事不可爲鐵路通後日英何能挾制長城鐵路明

列條款中國必有人請止 回鑾以如英願何不緩俟
後日來云此透論我卽直電政府並格使如格使能將
此意達政府並由中堂密電吳王必可信從告以格不
與中堂晤商奈何來云中堂亦須將各節密告格使云
謹聞

寄 行在軍機處 二月初四日

頃奉江電又晤英美日三領交閱英日外部回電仍堅
請勿畫但言畫押之禍不言幫助之法美無回電詢其
俄約不畫後如何情形皆云彼強佔背原議斷不能久
故用全力脅制速畫如不爲脅制各國皆服中國斷不

久踞順直及強取他地聽來似有把握日領云如要保護北方聯軍亦可緩退又詰以汝等僅止中國畫押不敢向俄開口此所以不能不畫押彼云四國意見深淺不同俄約又不告我故難明拒問其是否因德中立之故皆云然

岑中丞來電

二月初四日並致劉峴帥張香帥陶方帥王灼帥袁慰帥

俄約 廷意初七決不畫請速圖良策

張香帥來電

二月初四日並致峴帥慰帥

改約十一款由江鄂交出究有不便恐爲俄人及全權藉口日已鈔英必見但請斷無須交也讀致

樞沃電已極悚切冬 旨已託各國展限並許酬
報此致樞會電可不發謹將致各國會電酌易字
句請峴帥改定或增或減由甯速發不必再商請
杏翁分轉其文曰駐英日美德羅李伍呂欽差卽
刻譯送並配華文各國政府電俄約雖略改仍多
窒礙十一條全文日本已經鈔得各大國亦必盡
悉無待贅錄俄雖勒限畫押中國實不願損失自
主權利我 朝廷已有電 旨飭各駐使託各大
國外部電達俄廷代商展限尙未接復音查拳匪
之亂中國辦理不善各大國不咎既往留我將來

振作之基中國臣民同聲感奮方謀和約定後卽
日將諸政事大加興革以副各國期望適因俄約
不妥聞各國現將京約停議竊思東三省爲我

國家發祥之地若主權旁落何以自立於環球之
上且無以仰副各大國去年殷殷保全中國自主
之權之盛心尤慮權勢偏重東方大局或因此嫌
牽掣不獨不能永享和平於中外各國大局實多
妨害旣承各大國指陳利害諄勸不可遽行畫押
實深感激本大臣部堂已迭次奏請 朝廷不宜允准
畫押奉求各政府將中俄相持不下之約十一條

秉公評斷與京約同時畫押總以無傷主權爲度
則各國之賜實東方之福東南各省總聽各大國
之公斷爲憑不以俄國勒逼之條款爲據至北京
公約大綱早已畫押尤望仍卽接續會議早日定
局萬勿爲俄約所牽掣免致樞廷不了別生枝節
至爲盼禱並望卽日電復劉某張某初四日等語
劉峴帥來電 二月初四日並致香帥慰帥

滬轉寄各使電並三江電均悉頃電樞云滬日總
領江電聞俄逼中國畫押限期已迫茲再奉告俄
人不過謂中國若不畫押卽當進兵主持聯俄者

亦不過謂俄若進兵各國必卽效尤中國瓜分勢當立見不知此說利害正相反也東三省之地雖非中國兵力所能保全然畫押而俄取之則曲在中國不畫押而俄取之則曲在俄人各國動兵因曲直而定所向此次使中國堅不畫押俄人若仍進兵佔據則英德條款旣以保全中國立義本邦亦經與約必當實踐前言斷無因俄佔地亦佔中國之理且各國若以瓜分爲念則中國允俄之約正合各國主義何必反復勸中國不從其請此理甚明如中國冒昧允俄則是中國親俄私與俄人

利益而使各國受其虧損俄人依約施行毫無可
議而中國自違條約故不得不援均沾之例卽議
瓜分此公理之至顯不待智者而知之也且俄素
以恫喝爲政策中國若不墮其術中必無卽時用
兵之事云該領所論曲直利害極爲詳晰看午會
電滬各領語實非空言務求鈞處堅持定見請
旨速飭全權萬勿畫押叩禱等語有此一電益可
印證各使如有復電望杏翁飛示

袁慰帥來電

二月初四日並致峴帥香帥

甯豪電奏面面俱到尤爲痛切此事三公各電均

已詳盡幾無可說姑再致榮相一電如下聞德人擬俟約定後先在山東派兵護路我之兵權政權利權均將干預直境鐵路借有洋債英法比諸國亦將援南洋各省又將多事勢將不可立國且英日德美有言在先我已請四國商俄緩限必須待四國回覆始可定計如因俄虛聲恫喝遽允畫押各國皆有詞各執公約亦必決裂查交涉例案如由我押許是我預予永難收回他國無從爲力如我未鬆口由人強據仍可理諭列邦尙可排解況俄已屢告各國此約由我願立若竟押許適實俄

一條可請公閣秉公調停總期仍宗各國公議不佔中國土地不奪中國主權抑請將此意用國書請各國公議調停此係預籌決裂乞備鈞裁

又二月初五日

楊使江電似只接到勘 旨初意全仗國書爲轉圜地步屢詢楊國書能否遞入至今不覆可疑之至近日俄電時有延攔初七之事初六上午必須電俄大約英日美因德中立英又爲特國未了不肯開口看小村對全權言美日駐使復楊使不干預可想而知以前 旨意似尙兩歧究應如何辦法今日必須請 旨定奪

又二月初五日

頃詢英領事俄約如不畫公約不改否答曰恐俄要抽出日本領事來云張制台開門通商章程若各國與俄爭此便是小氣斷不願爲江電四使仍無回信

寄江鄂粵督帥皖東陝撫帥

二月初五日

初七如決計不畫押俄必起波瀾各國尙以俄約並未宣示藉口難於調處似應預備因應俄約應由全權駐使宣示各國查英使曾向全權索閱並再致俄國書及各國國書並告東三省請江鄂酌量電樞

寄李中堂

二月初六日

頃寄楊使電如下支電已照奏轉國書不收竄出意外
羅支電瀾侯函一各國駐使先後向各國聲明公約未
定以前中國不得與他國議立專約現再申明二展限
一節如限內不能將窒礙字句盡行刪去仍屬無用三
中國如將俄約畫押實極危險如將英國應有權利奪
去英必向中國賠償等語歌 旨尙未見允公支電非
改妥無礙公約不敢遽行畫押現商傅相電吳王轉圜
公可速將往回電報遲緩一層切託吳王商懇略展以
待設法全仗公苦心此係弟私見乞速示云瀾所云將
英國應有權利奪去係指何事請向英使詢明初一國

電所請刪改數處並不甚重苦於外部不肯代遞且恐俄廷因各國干預激成憤怒只有請師將國書電吳王託其代爲密呈並將師意願念前交委曲懇商以全大局只要稍有轉圜各國不致要挾 朝廷似可照允

又二月初六日

兩歌已轉樞謂動兵不信瀾侯已揭破日本思報復遼東何足恃似瀾語可憑可否商格去一切工商利益句以穩各國長城鐵路實與 回鑾有關係英日願遷南就其挾制此條緩議何如

又二月初六日

樞意仍望師調停歌 旨猶謂迄未切實覆奏但總須

將電報往還耽擱設法不請展限而有騰挪方可轉圜

寄 行在軍機處 二月初六日

微電請公閱俄約一節頃據英領事云現尙未可明宣
衅不可自我開致難調處似亦有理謹聞

寄皖撫王灼帥 二月初六日

略圖要李擔利害最爲扼要望速電復前途弟已力請
傅相擔當目前兩全無策從俄顧目前抑從英日規久
遠乞速定計

寄西安王中堂 二月初六日

愚齋存彙 卷五十五 電報三十 五 思補樓藏版

畫則眾怒不畫則俄怒本只盼國書俄王得寓目刪改
方可兩全故請堅持至初六爲止乃未下旗而國電不
收出於意外恐德已暗合美忽抽退俄勢愈大英瀾侯
皆實話日敢詰俄必有預備姑看如何回答總之拳亂
傷寒也俄患癆瘵也癆發無可治爲遠大計趁聯軍牽
制下此猛劑心腹四肢均無所礙惟東省索還只恃一
日本殊無把握李相慮俄若久踞各國羣起效尤分佔
土地此係獨解目前仗義似不致此將來非練將練兵
本無保全之道新疆接壤宜告知留意否

寄江鄂督帥山東撫帥

二月初六日

頃轉小田交外部電與木齋同彼既敢詰俄必有預備
本屬兩用今備一用英未必動聞俄亦大備姑看如何
復日

寄西安榮中堂 二月初六日

傅相歌電俄廷堅不允格使執不移來電何益吳王與
維忒一鼻孔出氣蒙古路礦卽其主意今去此條已非
所願何能託其展限改約疆臣皆隔壁帳木齋亦爲日
所愚若謂因此事動兵吾不信云瀾侯亦云不能兵助
此事至國書不收總因俄與德連矣英美皆怯日力亦
孤局勢屢變 朝意究竟如何

寄 行在軍機處江鄂督帥山東撫帥 二月初六日

傅相歌電支電與來覺福所言今午晤格使詢接來電
否格云此事他人不配管付之一笑格料現當畫押無
庸商改不圖樞 旨偏聽疆吏及駐使恐嚇之詞又有
反覆國書電 旨俄不收閱而欲我逕電俄廷勸其改
約未免太不解事英使謂政府迄今無回電似看輕不
若日本之無理取鬧也希轉致云

寄北京李中堂西安軍機處東撫袁慰帥 二月初六日

李使魚電風聞日廷發電勸俄後已飭海陸軍預備俄
如因東約事啟釁立即開戰云

寄北京全權大臣西安軍機處江鄂川粵督帥皖東撫

帥二月初六日

初六午日本總領事交劉張兩制軍密電奉外部電開
日本政府日前電飭駐俄大臣轉達俄政府聞俄國將
東三省約款移交中國欽差並請限內畫押不許稍有
刪改查該約內有與東三省主權干涉者又有與各國
權利不符者俄國所求與俄國應享應保之權利不相
埒中國已懇日本並別國從中斡旋勸俄國不必過求
日本政府爲均平東方權力並保全日俄睦誼起見務
請俄國爲事與各國所享權利一路無歧並請東三省

事交駐京各國欽差從公定議似合情理此事全爲敦厚友誼起見深望俄政府樂從等因宣謹轉

劉峴帥來電 二月初六日並致香帥慰帥

鄂歌電悉前見東 旨早慮全權憑此畫押今果如此危亡之禍卽在目前可勝痛哭耶相係公約全權楊則此案專使咎無可辭請香帥迅速擬稿布告各國 朝廷已有 旨未商妥之前不得畫押全權違 旨定議各省不能以此爲憑仍須另議首先穩往各國以免遽起分佔一面切實電奏請卽日降 旨撤楊使電告俄外部此約作廢另

派新使會議拚與俄人決裂或可解散萬一事機
萬緊請擬定速發不必再商

張香帥來電

二月初六日

頃聞英日實已備戰係小田處友人密告不知因
我允俄約而與中國戰耶抑待俄與中國決裂而
助我與俄戰耶速示

寄 行在軍機處

二月初七日

俄亦不願與英日美齟齬而斷不肯自認陰憚各國此
是實情現商刪改諒彼必聲明認我邦交非爲他國似
旨意仍宜委婉而責成楊使處宜嚴揣彼或只肯稍

讓而卽畫押但准其畫押必須照瀾侯三節方無後患
聽小田切口氣國書商改之外尙有大員調任一節謂
失主權告以與公約十條末略同又謂賠款以他項利
益作抵關係土地財政不可允告以我若將賠款全數
清還可不另讓彼云語太含混應否樞電全權稍改語
氣乞鈞酌

院撫王灼帥來電

二月初七日

微魚四電均悉拒俄則地被明佔誠如所慮然請
各國公斷彼必援各返京但侵地之例以責俄俄
卽必無獨違公約明佔久據之理且明佔與名存

實亡何異而我既請命各國渠不助我卽必不能
責我暱俄轉戈向我但能暫紓目前分裂之禍一
切尙可徐圖固不專恃各國兵力也拒之從英日
則規久遠卽所以顧目前從俄而得罪各國則目
前并不能顧固有不煩再計決者應請速電傅相
堅持擔從俄之利害不如擔從英日之利害較有
把握也至我之立言應以俄與各國同辦一事不
應違眾歧異我開罪不獨一俄不應違眾與俄另
約四語持理極正輿情極誠極能動各國之聽而
無宣示著實之言并請轉電今日本已出頭勸阻

詞婉而理直其保全日俄睦誼一語尤隱含關係
自家不能干休之意機不可失斷勿復疑英美云
何并求電示

劉峴帥來電

二月初七日並致張香帥陶方帥王灼帥袁慰帥

滬語電悉恐與俄人決裂卽不能復顧東三省究

勝瓜分所謂權害從輕時勢所偪本無兩全之策

京津聯軍若退俄似難以孤軍久駐

袁慰帥來電

二月初七日並致峴帥香帥

俄口氣稍鬆想係日本之力如楊使乘此商改無

損我權亦不慮各國效尤卽畫押有何不可但須

抱定商改後始可畫耳

又二月初七日並致岷帥香帥

英只助以公論美畏事不敢出力德冀效尤不願
出力日挺身詰俄辭氣甚厲俄如決裂日俄或有
戰事然以三省爲戰場無論誰勝我終受累惟盼
俄肯從公論當可平和了結鄂會請宣布辦法甚
善惟樞意仍多顧慮諮諸疆吏駐使全權早有成
見恐難妥辦眾志不齊安能代謀姑待俄日舉動
再相機圖之

寄英京羅大臣二月初七日

歌電已照奏轉瀾侯所言窒礙字句刪去係指何款內何字句請作爲尊意速卽詢示因 朝旨仍令楊剛改後定議以期兩全大約尙可緩期一二日

劉峴帥來電

二月初八日並致香帥慰帥

楊病一時自難辦事惟移京商辦必須商明歸駐京各使公斷或歸入公約若只令全權與格使會議則楊所不敢畫者全權毅然爲之連日所籌盡屬徒勞矣請杏兄先詢該參贊楊是何病目前何似再行籌酌

張香帥來電

二月初八日並致江粵閩督帥皖東撫帥

楊使微未電俄自願展限兩日陽電 旨飭楊懇
將五條刪除或先議公約再議專約飭慶李請各
國公議設法斡旋事有轉機日英之力也惟瀾侯
第一條切言公約未定不准立專約與瀾侯之言
不合與德日外部之言均不合此是難事總之合
肥在京不願與英日德美各使詢商實不可解甯
陽電佩甚既不甘爲名存實亡之京畿十八省自
不能顧名存實亡之東三省世事豈能兩全況合
肥辦法直是兩不全耳

袁慰帥來電

二月初八日並致峴帥香帥

俄人既可接晤似宜飭楊使明告俄廷各國一再聲明公約前不許立私約並將效尤以我之國勢固不敢開罪俄國更何敢開罪各國擬語俄先商准各國均不效尤並在約後另增一款此項條約係中俄專約俄國擔保他國均不得效尤倘或有效尤者俄國不能阻止失其擔保之責此約卽作廢紙等語持此商辦亦頗有理俄人如不肯允我可藉以不畫現商改不易展限無用轉增款以難俄似亦拒宕之一法請三公裁酌如尙可用卽轉電樞廷採擇望復

寄江鄂督帥皖東撫帥 二月初八日

頃英總領事出示外部來電羅送江鄂電已請政府勿
簽俄約須將十一款交各國公議刪除窒礙各節歸入
公約同簽各國公斷東南各省一定遵依且決不允俄
草約更請公約切勿中止復云英廷已切告中國此約
須歸各國公辦且別國亦有奉告中國者倘此約交各
使商議英必飭駐使同各使查復政府可將此電轉達
北京及日本云似與羅電相符當詢璧領昨言專約未
可宣布何故璧云如約內有關礙各國權利者可交公
閱並索鈔俄約擬密電瀾決勿言何處鈔出告以我管

電報照例未能漏洩璧擬囑孫領事求鈔乞酌行

袁慰帥來電

二月初九日

俄格語氣漸甘自是中餒全權志在必畫他無辦法縱有辦法亦未必肯 廷旨已甚詳明甯電尤痛切現宜急化全權成見請杏公速設法楊使病須緩畫最好移京公斷如交全權誠如峴帥所慮萬萬不妥

寄 行在軍機處

二月初九日

頃英壁領事面譯外部來電英廷已切告中國須歸各國公辦且他國亦有奉告中國者倘此約交各使商議

英必飭駐使同各使查復政府可將此電轉達北京及日本云與羅電相符當詢璧領日前尊論一專約未可宣布何與瀾電交各使商議意相背璧云兩國盟約例難先宣如約內有關礙他國權利者既請公議自應照知云

寄江鄂督帥皖東撫帥

二月初九日

甯濟兩奏痛切極矣英日美堅執勿立專約本屬正辦特慮德中立不助今呂電德廷仍照效電查效電稱俟中國知照即可會同各使在京公商是四國相同奧意必隨理足勢亦足且 朝廷已電四國江鄂又徑電聲

明若不照辦恐俄出變態各國轉致無憑公議鄂謂合
肥不願與英日德美各使詢商聞慶邸意見不同查全
權嘯奏俄約布告怒必更甚向例兩國議約未定稿之
先不得漏與各國況布告耶等語然不布告各國雖知
其詳難遽發爲公論璧利南初謂兩國專約不應布告
今接瀾侯電亦謂有礙各國權利則不妨知照惟有請
兩帥再詢熟於公法者如應知照即可奏請派慶邸等
知照公使并發電 旨令我駐使將十一條知照外部
請其公議惟俄約以法文爲準羅電瀾侯要看法文而
俄館恐無法文密電奈何楊病已電詢參贊

寄英京羅大臣 二月初九日

齊電轉樞此約英德日美均屬知照公使全權謂未畫之約例難宣布究應如何知照之法卽作尊意詢瀾俟速復

寄 行在軍機處 二月初九日

頃英日領事面告第三條亦窒礙告以上項留兵是暫彼云另列一條包藏禍心恐其勾引土匪藉彈壓弄兵等語或酌改如遇變急中國可請上項留駐之兵助中國彈壓乞鈞裁

寄 行在榮中堂 二月初九日

愚齋存彙 卷五十三 電報三十

三 恩補樓藏版

昨就瀾侯第二節詢羅使如得刪讓免再藉口頃接羅齊電瀾云望礙字句不勝枚舉第八條尤甚雖改仍不可用豐請其一指出瀾云如得真稿可照辦可否請電楊使將法文真稿寄英云蓋俄約法文爲準繙譯易致錯誤使館與總署有無法文密碼可否由樞電俄館參贊將法文設法速寄如交議亦必需此

劉峴帥來電

二月初九日並致香帥慰帥

濟青電悉化全權成見是第一要義楊病約必緩畫若移京須歸公斷萬不可交全權惟望朝廷握定此義勿爲全權所動約歸公斷卽須將約稿

示各國全權既秘密不宣只有請 旨電知各駐
使分告各外部此二節祈慰帥密速電榮相

皖撫王灼帥來電

二月初九日

揣師相意殆主於兩不領情而任其相持以坐收
其利果爾則如天之福請以春此語叩之大臣謀
國於流俗所見之顯害可以不顧於萬有一然之
隱患不可不防慶意已異何苦獨受集矢感相之
知不能不貢其愚悃又上年密約許竹簷尙有責
言相所深悉并望轉達

寄榮中堂

二月初十日

蒸電已轉羅使向商惟英德日美均屬知照公使頃日領事奉外部寄劉張電稱俄外部已復駐俄日使云滿洲約正商議約內無損中國主權亦無礙各國權利俟簽定卽知照皆與前次宣布無歧至交北京公議一節滿洲事專與俄有涉似此與俄向來宗旨不合云俄辭婉好足見俄願與日本和融辦理等語李使佳電外部稱所得約稿來歷不明未敢自信請照英國前次勸言由全權將約稿交各使閱看方可據以公斷如無法文漢文亦可若全權不便交由江鄂交領事亦可等語除轉江鄂外前英領事所云兩國議約例難先宣昨詢該

領謂不可宣者盟約也若和約有礙他國如八條之甚
豈應隱瞞既由各國請交各使自可照辦云或俟劉張
請交卽准由劉張電交駐使或各領事轉寄與各國所
知者校對是否有損中國主權有礙各國權利請其公
斷俄若詰責答以各國自向兩督鈔取核對並有瀾侯
加藤復兩督電爲據似不能深怪否則恐兩不討好夜
長夢多仰蒙下詢謹復備裁

寄東京李大臣

二月初十日

佳電已奏轉俄約堅持未畫楊使跌傷恍惚陽 旨飭

照國書刪改後方能畫押參贊送去仍不收格在合肥

前總說他國不應干預如再不畫卽決裂佳 旨將京
電交劉張各帥及弟迅商辦法呂使電德廷仍勸知照
駐京各使公議並允公約不動是德與日英美意尙合
今俄復日約內未礙中國主權亦無礙各國利益是明
欺日廷未見真本日廷旣勸不畫此約中國此時究應
如何辦法乞速詢加藤密示立待奏議

劉峴帥來電

二月十一日

慶李係同辦公約萬難舍李就慶致兩人各存意
見且俄約必歸公斷方無後患公斷必宣約方有
辦法能歸公斷其權操各國李相成見不化自化

現又遵佳 旨復奏請先定俄約稿另達

張香帥來電 二月十一日

頃接杭州一電云俄謀華急請聯各督撫奏籌民
款約英日美公戰浙士民公電等語奇極謬極且
無名公電虛實難知流弊甚大請飭該電局查詢
此電係何人所發示知敝處並祈飭滬杭電局以
後無名公電萬勿代發爲禱

寄北京全權大臣江鄂督帥皖東撫帥 二月十一日

李使蒸復樞電佳電祇悉未畫押遵告外部俄答語已
詳佳蒸兩電聞日廷自發電勸俄後密飭海陸兩軍備

戰外部卻未明言亦不便向問外部得回信察俄意和平似有喜色至彼國輿論多勸政府責俄撤約還地否則開戰我若拒俄召釁倘政府坐視必爲輿論所不容彼議院大開民權甚重也駐日俄使於日人舉動偵察頗周東方鐵路未成恐俄亦未敢輕開戰衅愚見附陳乞鈞奪云宣轉

寄 行在軍機處江鄂督帥山東撫帥 二月十一日

聞俄願與日本密商將東三省利益略分與日李使云尙有安慰日廷之詞殆暗指此故日甚喜且兩國互爭三韓恐其互換利益現值彼宗旨未定操縱最關緊要

亟宜防之

袁慰帥來電

二月十一日

滬三蒸電悉限期已逾要在辦法俄拒客還書楊使又病在俄無從商辦合肥具有成見亦無可商辦行在恐激俄怒似又不肯宣布彼此相持實非辦法鄙見日廷既自任保全中國權利俄亦認願與中日和商我何妨專託日廷向俄廷轉商北京尚有譯署合肥現不在內亦何妨請飭譯署王大臣與各國及俄使商辦公斷此案固不可交全權亦不可無人主持兩帥既電請四國籌助似可

將十一條面交各領事轉其政府請三公酌裁再
家母久病近日甚危心緒惡劣鄙見如合尊意請
採擇附告並祈賜覆

張香帥致柏林呂使電

二月十一日

前承德國勸我公約未定以前不得另立專約又
德相宣言不願中國國產任意棄置德國斷不生
視德國辦事在保全太平如各存意見亦必極力
排解等語中國實深感荷現中國已聽德言逾期
未畫俄抑然中俄勢力不敵恐俄立時決裂致礙
太平之局有負德相厚望仍須仗德國大力向俄

婉商三省之事請俄始終與中國和平商辦無論如何萬勿決裂昨 朝廷深慮俄國決裂飭令敝處電詢各外部辦法祈卽轉商德相務請其極力排解力勸俄人和平商辦迅速示復至禱

張香帥致倫敦羅使電

二月十一日

東三省之事因屢承英國勸我勿允並承瀾侯許以始終全力相助中國實深感荷現中國已聽英言逾期未畫俄約然中俄勢力不敵恐俄人騎虎難下竟不還東三省甚至立時決裂與中國爲難亟須慰以好言令有退步易於轉圜惟楊使呈遞

國書俄外部堅不肯收雖欲動以情理無由轉達
展轉籌思鄙意擬請英國將中國國書代爲設法
轉達俄皇一閱不知英國肯代轉否此係事急權
宜之計不知於公法可行否姑以奉商如荷允許
卽當奏明將國書電寄英國轉電俄使再日本已
請俄國將三省之事歸北京公議俄雖未允而答
復日本之電語氣尙近和平若再得英美德三國
婉商俄國俄必聽從不知漏侯以爲便否無論如
何總須懇英國邀同美日德三國先發電力勸俄
國和平商辦萬勿決裂致礙太平之局昨 朝廷

深慮俄國決裂飭令敝處詢商各外部辦法以上
三節一請英代轉國書二請英會三國商俄歸公
議三請英會各國勸俄和平商辦勿與中國決裂
祈卽切商瀾侯並詢此外有何妥善辦法迅速示
復至禱

張香帥致日本李使電 二月十一日

東三省之事承日本鼎力相助向俄詰問俄國答
復語氣和平足見俄人尙畏公論事有轉機中國
實深感荷然中俄勢力既不相敵中國仍不無過
慮誠恐俄人因羞成怒或致決裂故亟欲慰以好

言令有退步易於轉圜但楊使呈遞國書俄外部堅不肯收雖欲動以情理莫由轉達展轉籌思惟有仍懇日本再邀英美德三國會同將中國不欲決裂苦衷代達俄皇勸其將此約歸北京公議最要者無論如何總須平和商辦萬勿決裂致礙太平之局昨 朝廷深慮俄國決裂飭令敝處電詢各外部辦法卽祈將鄙意轉達日本外部並詢其此外另有何妥善辦法迅速示復爲禱

倫敦羅大臣來電

二月十一日

佳悉此約未便知照瀾不相強

東京李大臣來電 二月十一日

頃詢加藤言與昨電同並言小田亦述尊意電詢已電復矣鐸詢此外有辦法否加答近日中俄交涉情形未能盡悉如將行在與俄館合肥自初四後來往電摘要詳註日期見示方能代籌等語乞酌

劉峴帥來電 二月十二日並致香帥慰帥

樞真電令將俄約密交各領請杏兄照錄俄改約全文作爲江鄂託密交駐滬英日美德各總領轉電各外部懇其公議

又二月十二日並致香帥慰帥

濟真電悉逾限已干俄怒宣約何礙樞府仍慮衅自我開只令江鄂錄示各領且看各國舉動若何再行酌辦俄力僅能暫不還三省既有日本出頭詰問想俄必不敢遽用兵力此時我以延宕觀變爲宜諸公以爲何如

張香帥來電

二月十二日並致劉峴帥陶方帥王灼帥袁慰帥

真旨甯滬想已奉到內意慎重恐宣約致決裂昨見俄復日本電遜詞謝日本而決詞拒公議拒宣布杏翁真電之說亦不可不防俄狡計百出又

有偏執成見之人必致設法恫喝內意既恐決裂
失東省事求兩全直無辦法鄙意此時宣布只可
暫緩不爭此兩三日須俟羅李兩使接樞佳電後
詢商外部有無辦法再定昨做處軫電奏錄呈意
欲待俄復各國允不決裂再爲宣布若摘有礙各
國權利數條密交領事不算公事仍無益真 旨
令轉電李使再向日本熟商想杏翁已轉此事務
望稍緩候各國回信英日回信尤要盼卽酌復並
呈陶袁王三帥一閱

寄 行在榮中堂

二月十二日

逾期不畫約而俄不遽怒天然可以暫緩者楊使患病
彼藉可自釋不致惱羞變怒賴有此耳若就近派使兼
攝旦夕可到恐速其偏畫無可推諉似緩一日好一日
乞鈞裁

寄東京李大臣

二月十二日

初六外部招楊使見謂接璞科第電准畫押楊示冬
旨俄請奏催楊云已逾期彼云稍逾不妨楊卽於是日
跌傷神識昏迷參贊鈔送陽請刪改不畫押之 旨仍
不收格使迭告傅相總說各國不能干預不畫押日本
及各國必乘機侵奪另得便宜力催畫押相告以日本

詰俄格付一笑 朝廷現甚堅持但候日廷代籌如何
應付奏請酌辦小田眞示復電已奏 旨飭江鄂鈔約
交各領事鄂須候公再向日廷熟商望速徑電江鄂

寄江鄂督帥皖東撫帥 二月十二日

璧領事並未言俄兵進占英日兵爲我駐守瀾侯云不
能兵助此定理也惟小田曾謂俄若決裂聯軍在順直
未必卽退則俄亦難進占云東眞電交總署亦是辦法
京堂官慶邸那侍郎外尙有何人不甚了然慰帥太夫
人亟盼全愈東事斷無替人也

寄江鄂督帥 二月十二日

四國請將俄約由全權交各使方能公斷 朝旨改由
江鄂交領事已降一格若由敝處密交已曾做過日廷
所謂不知來歷者是也今既欲請其公斷兩帥主此議
樞廷允此請應由兩帥會電上海道飭將此件面交各
領事方能示忠信而收實效

寄 行在軍機處 二月十三日

俄珍田派參贊密告數語與答日廷口氣相符尙不緊
催畫押似有轉機彼既欲避各使公議諒願仍歸俄都
定議正可藉揚病推展以待轉圜彼不催易使似不妨
稍緩簡派十二寄胡惟德電應否卽發候示祇遵

愚齋存彙

卷五十三

目錄

三

愚齋存彙

愚齋存彙卷第五十三